


5
Sul.
JOSEPHI TARGIONI

DEI ET APOSTOLICÆ SEDIS GRATIA

EPISCOPI VOLATERRANI

AD UNIVERSUM SUÆ DIOCESES CLERUM

EPISTOLA



VOLATERRIS

EX TYPOGRAPHIA SANCTI LINI

1859.

1. The first part of the paper is devoted to the study of the properties of the function $f(x)$ defined by the equation

$$f(x) = \int_0^x \frac{1}{1+t^2} dt.$$

It is shown that the function $f(x)$ is increasing and concave down.

2. The second part of the paper is devoted to the study of the function $g(x)$ defined by the equation

$$g(x) = \int_0^x \frac{1}{1+t^4} dt.$$

It is shown that the function $g(x)$ is increasing and concave down.

3. The third part of the paper is devoted to the study of the function $h(x)$ defined by the equation

$$h(x) = \int_0^x \frac{1}{1+t^6} dt.$$

It is shown that the function $h(x)$ is increasing and concave down.

IOSEPH TARGIONI

DEI ET SANCTAE APOSTOLICAE SEDIS GRATIA

EPISCOPUS VOLATERRANUS

SS. D. N. PAPAE PRAELATUS DOMESTICUS

PONTIFICIO SOLIO ASSISTENS

SACRI ROMANI IMPERII PRINCEPS ET COMES PALATINUS

Universo Volaterranae Dioecesis Clero
Salutem et Benedictionem

*N*e quemquam vestrum, Fratres dilectissimi, lateat, (ut sint communia vota, commune gaudium), Nos ea permotos, qua s. Apostolicam Sedem, Patremque nostrum sanctissimum PIUM PAPAM IX. observantia et amore prosequimur, eidem summo Pontifici litteras tum nostrae, tum universi dioecesis nostrae Cleri, quos interpretabamur, pietatis sensus tot inter communis omnium Parentis aerumnas exhibentes, solatii causa misisse; ipsumque summum Pontificem, pro ea, qua minima quaeque erga Se fratrum Episcoporum officia benignitate complectitur, suas ad Nos plenas paternae charitatis litteras reddidisse; jucundum vobis fore visum est, si Nos, quam

dedimus, quamque recepimus epistolas, ad unumquemque vestrum typis vulgatas transmittemus.

Quod etiam, imo praecipue facimus, ut muneris nostri partes, nec minus summi Pontificis desideria implentes, vos, Venerabiles Fratres, omnesque christifideles curae et charitati vestrae commissos, in Domino hortemur ad preces enixiores juxta mentem sanctissimi ejusdem in Christo Patris fundendas, quibus clementissimus Deus per Christi merita et per suffragia beatissimae Immaculatae semperque Virginis Matris exoratus, Ecclesiam suam, suumque in terris Vicarium e tot adversitatibus eripiat, errores destruat, mundique cursum pacifice suo ordine dirigat.

Idcirco volumus, ut a cunctis Sacerdotibus Saecularibus et Regularibus quotidie in sacrosancto Missae Sacrificio, nisi ritus obstet, et quotiescunque fit populi benedictio cum venerabili Eucharistiae Sacramento, addatur Collecta PRO PAPA. Committimus praeterea singulorum Parochorum arbitrio aliquid precationis in eundem finem cum populo faciendum diebus festis post Missas parochiales.

Cum vero nemo non videat, Venerabiles Fratres, quot fraudes hoc tempore homines perditissimi moliantur, ut plebs fidelium haeresibus

inficiatur; unde pravae opiniones, corrupti mores, legum ecclesiasticarum inobservantia, auctoritatis contemptus, effroenis quaedam libido blaterandi de ipso Ecclesiae Capite, deque civili ipsius tam legitimo principatu, nec non de toto clericorum ordine, longe lateque diffunditur; eosdem quos Nobis sanctissimus Pater et Pontifex addit, ad unumquemque vestrum, Venerabiles Fratres, adjutores mei in opus ministerii, quamvis solertia vestra perspecta sit, stimulos admovere non abs re erit: quandoquidem vobis, qui animarum rectores estis, incumbit vice Pastoris custodire gregem. Omni itaque sollicitudine, zelo, vigilantia in hoc contendite, ne lupi greges invadant et rapiant et perdant. Noveritis magnam contra catholicam Religionem conspirationem recruduisse. Magistri erroris, libelli ad captum plebeculae de industria conscripti, fallaciis referti, odium et contemptum in sacras res et personas excitantes, potissimum vero christifideles a sanctae Matris Ecclesiae sinu, ab obedientia ac veneratione visibili eius capiti, Romano Pontifici, debita, pro mystici corporis unitate tam necessaria, divellere connitentes, ubique locorum inferuntur. Quapropter, Venerabiles Fratres, videte, vigilate, orate, quasi rationem pro animabus solitudini vestrae commissis reddituri. Verbi Dei praedicationi, monitisque salutaribus instate: er-

rores in multa patientia et doctrina arguite, curam omnem impendite, ut plebes, quas regitis, in orthodoxa fide, christianis moribus et Dei timore contineantur. Eas ad orandum praesertim allicite, ut ex his temporum calamitatibus eruta sancta catholica Ecclesia tranquilla devotione laetetur.

Interim nostrae erga vos in Christo Jesu fraternae dilectionis testimonium, pastorem benedictionem accipite.

Datum Volaterris prid. Cal. Decembris 1859.

Uti frater

IOSEPH *Episcopus Volaterranus*



AD SS: PAPAM PIUM IX:
EPISCOPI VOLATERRANI
EPISTOLA



BEATISSIME PATER

Dum qui sunt undiquē Fratres mei sacrorum Antistites, omnes ad Sedem Tuam potentiorē per amoris plenas epistolas conveniunt, ut in hac rerum perturbatione leniant dolorem Patris; nequaquam, Pater Beatissime, fiet, ut quamvis minimus omnium, Volaterranus ego Episcopus tam debito officio, animique mei erga Te sensibus desim. Nec enim minus caeteris Sanctam Apostolicam Sedem fidei voluntate studioque prosequor; jura quaecumque eius sacra jugiter tectaque servari vellem; Te vero grandi, quae Tibi commissae est navi per huius saeculi fluctus ad portum aeternitatis traducendae, salvum, laetum incolumem intendere cupio.

Qui possem igitur maximo paterni cordis dolori non compati, quo, Beatissime Pater, repletis animavertens nullum ab hostibus christianae reipublicae non moveri lapidem, ut bonum eius omne, doctrinam, fidem, mores, cultum, auctoritatem pessumdent? et quod iamdudum vaserri-
mis summa votorum est, omnes in illud conferre vires, omnes moliri insidias, ut Romam Petri, Romam pontificali solio gloriosissimam auferant, conclamantes: *Exinanite, exinanite usque ad fundamentum in ea.* (Ps 136. 10.)?

Doles, Pater sanctissime, nec immerito, plures ditionis Tuæ provincias per summum nefas occupatas; lugenda in iis contra catholicæ Religionis sanctitatem, nec non civilem legitimumque Tuum et Sanctæ Romanæ Sedis principatum patrata; doles rebelles filios indulgentissimi Patris vocem, adhortamenta, objurgationes in spiritu lenitatis, ipsamque Ecclesiæ virgam contempsisse.

Dolco et ipse Tibi, nec modus esset mœrori, nisi (quod satis compertum est) *vigeret* apud Te *spei robur et firmitas fidei*; et inter sæculi labentis ruinas erecta mens esset, et immobilis virtus, et nunquam non laeta patientia, et de Deo suo semper anima securo (Cypr. ad Demet.). Velit clementissimus Deus hæc dona Tibi novis in dies accessionibus cumulare. Hoc oro, hoc universus catholicus orbis de tua totiusque Italiae, cuius in Te salus et decus omne catholici nominis periclitatur, incolumitate sollicitus, effusis precibus postulat; quas procul dubio Deus, Immaculata intercedente Deipara, in tempore exaudiet; non enim amat et deserit.

Accipe, Pater sanctissime, filii Tibi condolentis, quod potui, solamen, devoti simul in Te et Apostolicam Sedem animi, totque iniuriarum quas pateris, detestationis testimonium; mihique, Clero et universo Volaterrarum gregi firmissime sperantibus, quoniam qui Te de tantis periculis Deus

eripuit et eruit, adhuc eripiet, Apostolicam digneris
Benedictionem impertiri.

Dabam Volaterris X. Cal. Novembris 1859.

Filius et subditus addictissimus
IOSEPH *Episcopus Volaterranus*

SS. D. N. PII PAPAË IX.
AD EPISCOPUM VOLATERRANUM

E P I S T O L A



PIUS PAPA IX.

VENERABILIS FRATER

SALUTEM ET APOSTOLICAM BENEDICTIONEM

Non levi certè solatio Nobis fuerunt Tuæ Litteræ « x » Kalendas huius mensis datæ inter gravissimas, quibus premimur, angustias et amaritudines. In eisdem enim Litteris recognovimus, Venerabilis Frater, eximiam Tuam erga Nos et hanc Petri Cathedram pietatem, amorem et observantiam, ac sinu perspeximus acerbissimum animi Tui dolorem ob notissimas, in quibus versamur, tribulationes, nequissimis illorum hominum consiliis et machinationibus, qui acerrimum contra Catholicam Ecclesiam, et hanc Apostolicam Sedem bellum gerunt, ac jura omnia divina et humana funditus delere conantur. Libenti quidem gratissimoque animo excepimus huiusmodi egregios religiosæ Tuæ mentis sensus, omni laude dignos, quibus cum nihil Nobis jucundius, tum nihil quod magis paternam Nostram in Te caritatem excitare et augere possit. Ne intermittas vero, Venerabilis Frater, ardentiori usque studio fervidas Deo Optimo Maximo juxta nostra desideria adhibere preces. Namque ea profecto spe sustentamur fore, ut clementissimus